


^ 16
2801
5



18
2801
5



范文忠公初集卷之九



餐冰齋原本

門人楊萃

愚甥王孫錫



不肖男毓秀授梓

小東草

夜坐偶成

曉來雪飛殘逗漏梅花信
向夜晚風輕敲動踈篁韻
引月沁空庭一幅冰綃潤
稍嫌松影繁暎處生薄暈
起坐靜焚香香

范文忠公初集

卷之九詩

一

思二堂

昭和十九年
七月六日
原本

銷煙未盡四顧萬籟冥何處響隱隱細聽或鐘聲嗚咽乍遠
近此際饒深情向誰與答問

贈王性甫

不獨高神檢風流亦自翩閒情工繪雪好事善嘗泉譚妙成
諧史詩清放浪僊更奇心澹漠沙帽罩枯禪

望華樓山

山容一畫圖所忌設色重中有一筆佳筆筆都生動華樓獨
秀出羣峯如相控嵐光濃淡開幻態恣播弄始知化工巧不

與丹青共

餐水齋謾題

不是標清節學貧若未能竟還須飲水何可道餐水糧乏難
充鶴形癯半類僧累心俱已盡無物正堪矜

種竹

自公有小暇闢地時栽竹豈無草與花偏愛此君獨踈踈挺
數竿高可齊於屋遙擬碧成陰定招雲來宿風定妙香生時
聞靜中馥幽韻雜松濤支枕如聽瀑片石斜置傍妝點畫半

幅滿森官舍裏何異篔簹谷

無字碑

片石峯頭古竝垂無端玉簡使人疑何書不被山靈怒深宵
誰如無字碑

獨立大夫松

秦皇如有靈應對孤松泣當日大夫多惟君稱獨立

明孔山偈呈性甫

怪哉明孔山靈竇一線白嵌空徹玲瓏巧似鬼工壁人言達

摩師此中曾面壁眼光不轉觀圻此通明石我來仔細參此
義了難索使以眼觀空空將何所圻若空可圻時空亦成滯
迹譬如蒼蒼天燦日一輪赤誰爲舒長眼點破長空碧今有
看日人晶華紛相迫爲是眼射日爲是日所射欲作如是觀
益增萬重逆腐儒談道理談此曷容易請君下一語以之當
箋釋

寄李仁常年丈

日逐違心事方知作吏難詩情移案牘爽氣礙衣冠踈濶還

疑傲矜持且近酸君能堪此否好語漫相寬
從無三日別隔歲竟何堪明月人千里秋風字一函官情嫌
少味世事畏深譚近狀無勞問疎中半帶愁

戲贈同波上人

上人好養馬

雲心已冷氣如虹坐聽鳴泉說苦空
脫下袈裟調駿馬教人
錯認是支公

齋中瓶花吹落案間探韻得變字遂成二首

郊外春光容易變花枝搖落紅如霞
留春無計折將歸膽瓶

權作宜春院長辭如雨與狂風繡幕圍香懶
蜂燕自是治性
愛顛狂幾几一夜飛片片主人久已耐
餐冰領取禪心伴妖

茜

一般落紅作春敷不向樹底向溪硯
花神應是好文雅筆公
墨君邀繾綣如眠似起意韻驕石床
作枕藤紋薦誰言陌上
少殘芳不襯馬蹄撲人面豈特花開
有高低花謝亦自分貴
賤

讀書

知犯書淫病誰違意所耽消閒商古事採異佐清譚意得驚
兼喜思深苦並甘世間惟此物多取不爲貪

舟中作

春迷花霧與波光楊柳拂堤月引航流水聲中公事了一甌
新茗一爐香

病

朝來疲案牘臥閣暫怡顏原以忙成病還因病得閒方書隨
意檢好句放情刪強起看花徑行行使小鬟

牡丹落幾盡矣惟餘一枝垂垂不墜因而賦此

已見殘紅片片飛一枝留得送春歸粧經雨洗胭脂薄香惹
風來蛺蝶稀半醉微痕迷曉暈剩餐餘馥勝癡肥畫工何似
春工巧濃碧叢中淺着緋

丘毛伯見過遺以二詩卽次來韻答贈

似踈還似傲風雅一先民運腕工疑鬼論交道有神周旋忘
作我睥睨更無人別自成高竒蕭條不可陳

不獨文章合原因道味親情多悲間喜形畧主爲賓任誕竒

成癖偷閒病是因看來天下士君是有心人

聊城弔古和毛伯

聊城故有魯連臺爲先生射書處予至郡年餘矣以牋
中未有詩也會毛伯以使事至因出弔古二首示予其
意以先生教燕將叛燕不得稱天下士予覽未及竟走
筆和之雖不敢謂先生知己亦聊代解嘲庶贖久未有
詩之過云爾

英雄露木色時時其鋒偏排難別有爲違計齊與燕一將易

一城所全豈小然齊止還其故燕亦何曾捐雖然數行字氣
應壯千年不有成功者血燐斷郊烟相絜試較量兩者孰爲
賢竒人好輕詆侮吾魯仲連

城破不得生何如未破死贏得身不辱且了人臣事先生代
前籌自籌豈過爾亦復成人名成功似不止一舉兩得之斯
名天下士正中忽出奇腐儒那得此

答呂介孺年丈

二首

勞勞吏事日無餘休說栽花與種魚惟向忙中尋小趣朗吟

敲韻草爰書

不是交情漸漸疎囊無長物竟何如猶存舊刻三兩種函作
相知報薦書

生平

生平細檢儘多竒心口商來亦自疑酒社常開難共醉愚公
自號惱人癡身雖無病每思藥性好探竒嬾作詩日日栽花
還乞竹任他雨打與風吹

於陵弔古和王季木

枯峭礪石寒溪水洗耳之清冷漱齒弔古借問誰氏居傳是
於陵高士里於陵何必遜首陽山薇芬留井上李夷齊况弟
仲夫妻千載將無一致爾怪是嶧山著論高強欲律以中庸
旨不思中庸解誤人易爲貪夫作嚆矢欲挽頽波砥中流行
徑何妨太卓詭宥將耳目易廉名雖然矯節亦可喜若傲莊
生齊物筭夷跖誰非以殉死孔門思獨難其人吾欲舉一陳
仲子

和友人閒居之作

夜裏刪詩日看山縱然忙殺也清閒
縱教花落休開徑除却僧來卽閉關
性好積書終是癖身無小病怕成癩
幽棲未盡聲聞累鶴舞翻翻鳥語蠻

入門

經年苦行役遑其顧所私予假得三日喜幾不自持
那知入門後百憂攢兩眉僕走向前道數日未晨炊
枵腹相待久主來適其時主來何所有看囊竟如斯
向內室人謫稚子怨朝饑微祿不糊口作官欲何爲
平生豪壯氣忽忽若披靡誰知

夷由節祗貽家人嗤唯予兩尊人溫語好慰之
見自行爾志莫以窮愁移匪緣貧無怨何云涅不淄
幸有頭止簪可供盞中糜子其苦茹茶子將其如飴
丈夫抱微尚肯狗兒女悲且謾學古人憤作北門詩

贈登州司理白華池

海氣空明裏潮回放蚤衙捲簾看島市呼吏掃庭花草判閒
丹管題詩滿絳紗座間聽晚浪官署也儒家

夜坐

不寐中宵起虛庭分外清花因風弄影雲與月爭明人定鵝
棲穩寒初鶴夢驚颯然生遠樹大半是秋聲

署中有柳狀頗類松予深有意焉因爲賦之

物應有別植那可望而知元帶霜冰氣寧矜烟雨姿離奇翻
自貴攀折轉堪疑多韻兼存骨相收或在茲

亦自隨風舞却聞謾謾聲情人傳異貌容我寄微情春老花
飛少堂深柏并清肅然常格外另結歲寒盟

六月旱

月令時行雨如何竟不靈風高霾日赤雲盡見天青虐魑驕
無賴乖龍睡不醒夜深時起看又見錯明星

海廟災

海翻夜聞鮫人哭水晶宮闕烟如瀑萬丈冰綃逐却灰珊瑚
落燼濺紅玉不夜城赭爛霞標馮彝少勢回祿驕長鯨鼓浪
戰不勝弱水愁渡仙人橋波臣曉向承明謁邈邈天關隔日
月君不見早風吹破草頭青千里地赤白惟骨

冬夜同岳爾律泛湖限斷字

桃花漾春流深夏荷風散湖光得致時陰映開新爛雪後柳
情疎雲凍梅意慢冷月徹寒林烟景去其半何事山陰行秋
冬發深嘆淒淡正自佳幽意具一段填嵐盪水紋色態巧互
換比之挹濃華又作別種觀試向餐微子細與閒判斷

乙卯十九首

有引

乙卯大稜分糜行賑匹馬日走風雪中介孺郵中寄片
韻索賦遂就目中所見稍為疏次得十九首蓋字皆是
淚幾于歌不成聲矣

萬曆乙卯天行酷齊城八百付荼毒虐愷驅將火雲飛燒盡
荒原無半菽

閭右幾家蓄紅粟蚤供惡少耽耽日烏聚橫捨白晝間眼着
貧富計同蹙

羊豕殺盡繼以犢木皮草根聊充腹掘得饑鼠帶毛啖爨底
無薪煮不熟

資用斥盡典敝服圯頽止剩半間屋拆將難得易一飽明日
忍饑草間宿

吹霜打雪北風號
慘裂肌骨息不歸
老入一夜臥且僵
少待將無勿壯續

荷鋤携釜出門泣
欲行不行空躑躅
本以逃死去其鄉
此夫生死那可卜

搵淚傷心走窮谷
稚子牽挽跌且仆
眼見饑死不能起
暫作生離委中麓

羸妻衝風行且哭
偕蹙不如將去鬻
市價斗米值千錢
一妻難糴一升穀

富國買人如買貨
淮客驅去轉販鬻
可憐忍辱為偷生
途遠難移劫仍殺戮

到處大勝撫流移
積逋又道嚴催督
似聞蠲停飛檄至
欲符憇之遭笞朴

兇魁夜嘯崇山麓
掃地大王豎高纛
四顧大呼掉臂行
安丘城下刃鏃鏃

道上橫屍填川谷
青燐夜火斷復續
飽殺野豕棄餘骸
苦辣風中走骷髏

市上列肆賣人肉細剔白骨血淋漓殘魂低囓不能歸日暮
啾啾向人哭

封事痛於洛陽哭乙夜徬徨不忍讀聖明倦念我東人十萬
帑金廿萬粟

詫傳大賚及長官半分猾胥半豪族想殺繡衣持斧來霜飛
銅墨次禡逐

墟莽數縷炊烟續官家列厭煮豆鬻老羸踉蹌行步艱儒生
持盂還踽踽

中貧人賑數升穀持去連糠和苜蓿一勺分作兩日餐食盡
還愁生計促

今年饑望明年熟野頽曾無一寸綠村南儘有田可耕誰使
賣劍爲買犢

減俸勸施收幾斛溝中或可存遺骨青州富守亦何人苦口
屬告我良牧

紅葉

霜林誰點染老翠見深紅色重嬌新艷條蘇怯晚風春滋休

欲如秋殺莫言功亦有寒松栢長青向此中

冬夜王性甫招飲署中同段汝器呂介孺二年兄

吾輩多通率更深尚赴邀官間餘勝致歲宴快長宵雜坐都
忘套詼談不厭囂獨嫌司令者酒政密科條

冬夜同王季木介孺泛舟

看月兼聽浪湖中勝事多迎寒消濁酒得景付清歌木落澄
空鏡梅開映素波秋遊那得此好去做仙波

行荒

行荒盡日見孤村室內無人晝掩門無數寒鴉啼斷樹悽風
苦雨又黃昏

早觀趵突泉和爾律

誰使人意閒聽浪宜向晚誰使澄素心波靜快平遠泉脉此
何來亂濺崩雪堰滾滾漾冰花鬪此珠珍苑相關勢未降碎
擊琉璃散每誇匡瀑飛玉跳勝瓶建應是天液靈巧與地籟
混渟泓不盡竒故此東而卷試取浣塵空噴薄省決輓照之
鬚眉揚挹之醒沉憊寄語洗耳人此際堪嘉遯

臘月十五日夜作是年閏八月及此後二日而立春

不是天多事今宵已上元年長因有閏月好更無喧燈負春
前約萸餘臘後存晚梅與早柳開試一爭論

臘月廿後初雪前三日立春

憂曠兼祈雨年來當課程望窮看雪落分外見春生逼歲如
相約乘陽似有情歸功難草草好勒一亭名

乙卯除夜

忽驚明日是明年檢點從前祇自憐好日半多消馬上深懷

時復望雲邊無艾難送窮中鬼入俗羞稱吏是仙守歲總思
聊應景燒燈獨坐展歲編

忙忙辭臘又迎春似笑如何却似顰祇爲二東煩百苦纔添
一日已三旬曆頭細數驚餘半天下誰教更換新獨快佳名
稱除歲除他儉歲見豐辰

宿長清署中時起將發感而有作時丙辰正月六日也
古驛昏鴉睡長途暮馬饑宵寒停柝早時函啟關遲落月三
更信春風六日期年年行役苦兩度已干斯

王季木招飲濟上高林堂

風物何時最爽森
除將秋霽是春陰
客因同調成孤賞
地以高林暢遠心
梅影偏宜燈下取
竹香細向酒中尋
眼前未盡氛埃氣
欲掬寒泉洗碧岑

賦得春寒花較遲卽用爲韻

不是聞鶯轉那知
入晚春時因耽月
閨花作待年身掃
雪雲流樹踏青草
作茵遊人拘故事
猶向武陵津

花事原宜早始人
奈薄寒似忘三月
信急望一枝看日
下閒分種風前巧
護欄至人須愛惜
將放勝將殘

頗似關情事春光
恨未奢宜留霜後
菊虛想雨前茶伴
竹依新月妝林倩
晚霞羣芳嗟異候
何不似梅花

神欲取其清韻格
欲取峭譬如品美
人傾國不關貌競
艷抹濃脂何似天
然妙此亦需解人
細與閒商較

意思雖幽冷晴光
到卽知前林申後
約明歲卜先期凍
蘂香彌遠晚芳褪
自遲有辭催艷發
勝作落花詩

丁巳再饑

四首

彼蒼何可問異祲若為常秋至還祈雨田空又見蝗療饑人
 啖鬼勸賑肉醫瘡溝瘠填難盡流離滿路旁
 何不陳災狀輕于背爾鄉去非心所願留恐肉先僵墓委他
 人守兒克此日糧知能來復否言下意悲涼
 豈無賢宰牧緩頰說如傷黠鐵原無術催科自有方計窮生
 勝死衆聚弱能強比歲蠹登盜將無元氣幾
 開庾仍分錙也知數發棠窮應呼父母亂亦費費糧天庾君
 能補帑空賦可償蠹茲邦本在持以告吾皇

舟行

簿領埋頭苦舟行快得閒倚窗聽細浪捲幔看晴山稻黍逢
 人問烟雲信手刪醉餘時一臥夢境共鷗閒

和秋禊六首 有序

張濟美于七月望前一日集同社十有七人會于月涉
 園之遠香亭做蘭亭故事為秋禊云于時各有言詠圖
 畫成卷足稱曠遊遐寄矣乃復韻檢九佳體衍六首高
 情寄託冷然善也予韻其事如數屬和殊為愧續貂耳

春禊何如秋禊佳高情遠致自吾儕會無常數隨閒日坐有
清流宜水涯舊譜翻成添韻事新題吟去散詩牌祓除此際
知尤快風淡無塵月不霾

春禊何如秋禊佳中元上巳亦何華暑當初去如芳候月到
方圓暢好懷度曲和容林外鳥飛觴勸借雨中蛙未能免俗
聊應爾獻果分瓜折玉釵

春禊何如秋禊佳月新花老較爭差山光似睡疑初醒蛩叫
如吟乍白皆情勝不尋三月例詩成懶作四言排臨池勢向
空中取雁字分明折股釵

春禊何如秋禊佳氣清天朗應時諧隨緣雜坐能忘套率語
傾心不忌俳林裏真堪稱小隱花前亦可學長齋主人欲傲
山陰會絲竹如教故故諧

春禊何如秋禊佳時時觴詠可興懷鴻賓鶯友誰調舌芻豢
彭天我放駭流水聲淒澹綠綺蘋花風緊踏青鞵憑將格外
通疎意探雪觀蓮總未乖

春禊何如秋禊佳幽芳九畹露滋菱風傳金氣園鄰谷門接

桑田里是柴貌出羣賢皆似鶴坐當古木半如楷遠香無用
標新勝即日蘭亭義却諧

先尊大父丞鄉城有惠政兩邑來擢爭之竟上至分傳
以爲風至此慨然有感

鄉下遺封舊隸淮去魯遲雲將山起伏烟帶草迷離地僻民
風古差多驛路疲留餘先澤在行部使人思

中秋和介齋韻時桂花未開

雙殺中秋好月光竹邊清切水邊涼西風吹向花欄過錯認

蘭香是桂香

一枝且莫怨開遲桂萼須知勝柳絲嫩綠初黃憑看取晚秋

風物蚤春詩

秋夜有夢

秋宵長自可只是夢無端境幻非因想時多不肯闌關情溫
舊事得意遇新歡佳處偏逢醒其如漏未殘

新草

春光吹到未全勻偏是新青自可人無力搖風因帶雪有情

就雨怕沾塵欲尋多處須臨水正趨柔時好作茵乘曉踏青
原上望離離烟際辨曾真

初柳

春情乍被柳相挑儘費支持不自聊作意將來令眼媚關情
偏可惹魂銷瘦猶含態驕梅格暖故拖寒帶雪條漫較踈黃
與深綠好風吹綻看來朝

徐辰叟以詩名家而書法畫品亦復擅奇一時遂有三
絕之目夫三者足爲辰叟重哉高情寄託尚別有在而

此其餘也然餘亦稱絕是之謂辰叟耳

誰似君三絕當由韻不如試看詩在畫直以篆爲書披卷生
情慧含毫竒想踈文心通體映此亦但其餘

魏仲雪過餐冰齋遇雨

清風吹袂惹烟蘿正是冰廳許爾過密坐深譚塵事少新知
細訪雋人多酒間瓊茗腸如浣卷裏題詩手自摩當夏快來
秋意爽兼將涼雨快如何

米仲詔齋中觀劇與辰叟賦

小名應是喚盈盈聲態偏能想性情低度靜聞梁上響步虛
小試掌中輕翻嫌雜和吹彈寂別見餘姿顧盼生不是冷香
消不得花醒人醉月清清

看月

雨餘宜對月雖夏亦云秋物象生新爽襟情與淡幽庭空容
水映夜永許人留祇覺情無盡憑虛又上樓

瓶花影與仲詔同賦

應是花魂亂支離壁與瓶水細分體魄燈月幻精靈寂照能
爲色有無好問形耳根忘却舌落瓣亦堪聽

與畫難同看曾無粉墨遮描時聊取似插處却宜斜燈背潔
籠幕蜂回懶報衙天機傳滅沒絕勝鏡中花

試參象外花何若人中景照壁寧非真折枝仍作影誰云嗅
有香意在濃時冷但當影子觀箇中猶未領

同辰叟集仲詔葆光堂得陽字

何期宮舍裏見此紫芝房種竹無倫次栽花有秘方琴生惟
取韻石聚亦能香試解仙人意悠然思葆光

題米家童 有序

予素不蓄歌兒以畏解故不蓄也每至坐間聞人度曲
 時作周郎顧誤又似小有解者然則予自是無歌兒可
 蓄以畏解固強語耳一日過仲詔齋頭出家伎佐酒開
 題西廂私意定演日華改本矣以實甫所作向不入南
 弄也可一傾聽盡依原本却以崑調出之間之知為仲
 詔創調于是耳目之間遂易舊觀介孺云米家一奇乃
 正在此不如是不奇矣予之自謂有解者亦猶強語耶
 因其賡詠以當鑑賞拈和腔字恨不能以亥韻作律體
 堪與相對付耳

生自吳趨來帝里故宜北調變南腔每當轉處聲偏慢將到
 停時調入雙坐有周郎應錯顧簫吹秦女亦須降恐人做此
 翻成套輕板從今唱大江

八月十一夜與介孺看月成醉共賦十四鹽 二首

秋雖方過半月却尚能纖况有人相映偏教景似添挹清傾
 露液取影下湘簾詩裏須情韻何如此際兼

詩就還看月移時興未厭更深花意寂坐久夢思恬浪謔皆成雅新聲不忌纖生情變淒冷對酒可能廉

閨中曉起次介孺韻

平章文事罷枯坐却如僧占喜聽喧雀取眠撲倦蠅詵資殘酒助倦向小欄凭客况誰消得香烟蔓石藤

懋壽張署中次介孺韻

介孺與予心期行徑無一不同其以司理來也又並轡而東四年馬上苦亦同矣觀介孺壽張署中題句叙致

若懷至不可讀非親嘗者那復能知亦惟予知之耳近又自爲詩解之苦當更甚非極苦何事解哉予和詩第言不必苦不必言苦所謂以不解解之不知此情事視解之者抑又何如因爲并書于壁使後人知予兩人之苦同并知予兩人心期行徑也

誰是當官不苦忙敲冰且復澆詩腸來青乍快迎風竹送日常焚入夜杳行色三更隨月冷襟期六月帶秋涼遠心自在塵鞅裏小懋何須定解韉

獨寐

布枕餘清意形神得自親微風時動幕小月夜窺人境欲參
喧寂夢先斷想因疎梅交暗影與作睡鄉隣

石城遊草

舟行

兩年馬上睡今始快舟居水濺時來枕塵吹不上裙拂雲朝
洗硯釣月夜驚魚捉筆知飛舞南游紀勝初

舟行見荷花折插瓶中

三首

不用陂池不用錢乘舟采向冶湖邊但須插架牧生態重去
疏枝自揀泉

清通高遠挺孤妍况有山礬作侍鬟石几紙牕無別供花成
香霧水成煙

聞香餐秀總堪憐君子呼名品是仙茗賞得神原勝酒水雲
旁置一茶顛

泊舟書所見

兼葭已自見秋容何事舟橫淺水中滯櫓停搖頻問雨破帆

斜挂懶呼風波間試水喧
船子蓬下鋪蓑睡
柁公爨罷吳艎
無箇事灘頭閑採蓼花紅

初秋看水中新月 三首

月固秋深好逢秋已自奇
况當初出候絕勝入殘時
清映空
中色寒侵骨與肌
有無烟水裏正足使人思

一片波文濶居然冷畫屏
水凝工小景月故皺全形
若使光
無剩猶嫌寫不盡
最奇聲稱色細籟吹玲玲

開將花比月花老不如新
意歛翻多態膚清并入神
纖輕工
半面游戲解分身
暗想憐花者其時定早春

秋夜鄧耒孩馮上僊曹愚公招飲淮河樓上看演黃梁
傳奇

秦淮河上低楊柳歌舞樓
中小月明異地誰教賓祚
王同襟
方見弟和兄已從戲局還
看夢縱使詼談總自清
一曲遊仙
催漏短貪歡怕是聽鷄聲

寄李仁常

李郎好情致都不關山水
雖爾負才多淵靜無自喜
兩人稱

澹交政此鉉味爾許日不見時輒欲生吝鄙况是別經年中
懷能已已把酒讀離騷所思在蘭芷

野人居

誰家居傍水屋破也含清兼是依山曲果然似畫成人烟藏
荻渚雞犬鬧潮聲半掩門何意主人愛月明

月夜聞笛

月白江空露下時誰家笛傍晚風吹情深可奈消無酒景好
惟須對以詩欲譜新詞三弄裏那堪苦調幾聲悲將眠又起
呼舟子船過山陽且莫遲

漂母祠

世間誰謂男子智袴下侯王眼不識塵埃物色有英雄衆人
所難婦人易一節博換千金來千金不受名功在矜矜者流
如是奇言下尋繹有深致進食吾以哀王孫豈以壺餐因為
利功臣事業純臣心望報不可皆此類圯上黃石教子房子
房用之赤松避吾悔不用鞠生言惜哉未達漂母意

過維揚

遊子關情處江空白露秋客程初問水旅思怯登樓非是瞻
雲切豈應見月愁鄉關歸夢裏一夜下揚州

夢

秋夜勞人處愁多夢亦多柔魂疲遠道鑿語喚輕娥雨瀟常
敲碎蛩驚半入訛醒翻無處着此際柰情何

金陵

莫比風流六代時周官禮樂漢威儀前朝離黍今豐芑不作
金陵弔古詩

秋夕同王公兆鄧未孩何贊否曹思公小集

新秋亦已清况是經雨後良朋亦已驩兼之叙故舊集坐碗
廣堂深語達昏晝率臆口不擇更端每錯謬豈不或脫蹊亦
自見骨肉酒至各盈樽責令引杯覆佐以散與梓碎聲和簾
溜角枝兩分曹喧拏如相關令長酒放苟屈卮法無肴醉極
喉吻焦江水寒可嗽

蓮藕付庖人煮熟以進因戲成之

曾笑圓方竹而今煮藕絲不教水激齒空想雪流漸蓴菜能

加鼓品盤也下匙知君蒸法好何以處哀梨

恭謁孝陵

孝陵佳氣鬱葱籠手闢鴻濛萬國從帝命開天非逐鹿地因
拱聖始蟠龍風雷久護存靈瑞日月同華想聖容拜罷小臣
思作頌大明豐芑此山鍾

弔方先生墓

髮齊叩馬諫原不為武王心憂篡弒者借口于代商武烈當
時變二子念天常各自具深心并行豈相妨頑民遷洛邑義

士死首陽死名與死節武得不忍傷二特爾知已手載有臣

細憶昔方直學時無別所腸氣不凝系烈節不烈不揚悲風

葉林莽至今有餘憤

遊清涼山

金霞翻紫華此地獨幽勝况際風日佳二鵬發嘯詠帶酒拜
佛堂探蘿一清聲送翠又山谷山谷為之應看額題清涼正
醫煩熱病數轉盡松篁登幽不待徑老僧起前行火似饒遊
與山色乃出奇遙與八思競勝巔懸孤亭俯瞰江如鏡湖芳

字莫愁井落胭脂靚點阿予言靡靡俱可聽典故屬風流
無乃亂禪定僧善自解嘲強曰無垢淨彼謂予也迂予謂僧
也佞滿事資快談大笑山欲曠

清涼寺

老僧日起迎遊客引路烹茶總熟似覺山猶疲應接如何
寺却號清涼堤籠楊柳烟含霧井落胭脂夜有香寂寞繁華
難作解好將此義學參方

瓦官寺

瓦官寺爲晉時諸賢言詠地一時風流掩映千古遂使
一刹并傳不朽予至金陵意訪觀焉得于鳳凰之南低
回不能去者久之稍折而東榜復如前困怪問寺僧僧
言志稱瓦官在鳳凰臺之左想此定是舊址何得以後
出相遺乎力于前寺僧辨而質于予予戲曰南中好古
而工爲贗寺亦乃爾耶率筆成此不覺啞然失笑
臨倣從來有瓦官寺也同僧知爭舊蹟佛怪有離宮就宿雲
移北隨緣月照東諸賢如尚在詰講定何從

治城 即朝天宮

訪古冶城地朝天故此宮廊廡斜落月鐘老咽淒風地換興
亡後人歸代謝中情多終是累憑弔意無窮

遊紗帽巖

書報山靈監一銜來遊何必卸朝衫如今山也貪簪冕新樣
烏紗罩作巖

斷蛇溝

赤帝子帶醉歸酒氣如虹劍光輝蛇神血濺妖姬啼夜半搗
藥聲鳴悲祖龍死楚歌裏羽觴飛漢高長技烹走
狗何不將來斷牝雞

黃河

不是來天上何如圻地開掀風看浪舞挾雨欲山摧古岸咬
龍徙清時壁馬灾行河財力盡臨岸意徘徊

同張賓王上僊愚公諸君子秦淮泛舟

攜酒來尋桃葉渡聽歌共上木蘭舟人當極醉偏矜醒歡到
關情反作愁疊浪遠山描淺黛媚人明月趁清秋朱欄曲曲

風散絲管聲中笑韻流

石頭城

荒荒憑故壘傳是石頭城照返三山影江流六代聲露華臨
夜白天氣入秋清俯仰悲人代還看古月明

閩中秋發自金陵

雨花臺畔草茸茸到處清妍到處濃詩料攜將雲滿袖譚資
貯得錦爲胸人貪攬勝難言別月好逢秋不厭重明日備宜
江上去推窗兩岸看芙蓉

燕子磯期于還時登攬歸棹北發夢中度過醒已不及

泊矣悵然有作

燕子磯頭路定尋江上行睡貪乘浪穩坐負看山盤洞杳雲
移宿林虛月問程長流不盡意翻覺有餘情

無題

話到匡山恍欲乘冷然六月對寒冰客忘形迹分誰主官耐
清貧却類僧闍茗因香爲韻格評詩似水辨淄澆花陪晚醉
仍留影月盡移將問一燈

周學洪

後學王 紀

全校

甥孫王作肅

姪 昌 禎

范文忠公初集卷之九 終

范文忠公初集卷之十

詩 養冰齋原本

門人楊 萃

全輯

愚甥王孫錫

不肖男毓秀授梓

餘草

賦得花朝遇雨

春陰偏是趁今朝
如暖餘寒尚自饒
花意如人初中酒
柳容似凍朱舒條
踏青遊屐方微濕
聽雨吟魂却暗銷
烟裏空濛

飛翠冷總無紅紫亦堪描

寄呂介孺卽次其韻

昔人論朋友云是我之二形跡聲氣外應是具別意與爾有
是夫脉脉稱同志語語率心口言下盡情摯有時或脫踈翻
覺勝周恣何處見最真質之于夢寐我亦第二爾莫漫擬昆
季

三月晦日邀李仁常諸兄飲味鉉堂有作

急防暮雨催花盡移檻仍爲一日留仙易誤人聊作戲誰能
問世類藏鈎茶顛人酒心難醉鳥語參歌韻更幽盡日追歡
休卜夜還教宵夢伴春愁

齋中

疎篁寫影上屏紗態韻蕭森類畫家尤愛空明紅間碧更將
鏡子照瓶花

坐仁常松鶴亭歸時有作

綠雪飛苔石徑滑微風不動樹聲歇雅歌緩緩溜珠圓子規
叫冷山頭月對酒細語勸酬清白玉塵底闕鉉窟醉花亦欲

學長生鳥紗繡紱裹仙骨歸路鶴引聽松濤雲凝似看明星
沒

王玉峯素善房中術一時縉紳多從之遊稱曰神仙翁
後竟以是敗道而死因戲成此詩

錯疑祕訣不曾傳猶記逢人說汞鉛多少朝紳真弟子青娥
隊裏哭神僊

送鹿伯順年兄 有序

軍餉中匱園吏告棘伯順適在版部歲解金花遂便宜

借發乃具以聞上怒謫伯順官于時中外人士皆惘然
咨嗟又有為伯順稱榮者伯順曰惡是何言矯詔予罪
也余窺其微論著之當慰辭焉

王師張撻伐四處大徵兵枵腹焉能戰所憂在呼庚中帑不
可問何貴舉朝爭便宜取濟事古人亦有行金花數十萬三
軍色肉生矯詔非無罪久矣權重輕聖怒原不測嚴譴翻為
榮豈其愛阿堵想為尊朝廷外人那得知微意恐不明未免
損聖德成我臣子名此處應介介君何以為情

中秋無月

清宵何事偏陰雨一歲中秋得幾迴有酒停斟遲月上將眠
更起看雲開光餘明夜留相補約定故人怨不來若使遊仙
成好夢也應無用管絃催

葉以冲李元治年兄招飲邸中

滾滾京塵障眼生寒氷對照玉堂清挑燈淺語俱堪味發篋
新詩漫付評混世無能甘獨醒知心倍自見深情牢騷已向
酬觥盡獨有憂天意未平

陪祀長陵

螭文隱起護豐碑祖烈開天不盡思魚藻興懷空悵望來遊
先到九龍池

松風一道瀉寒泉碧瓦鱗鱗白玉欄一自路荒清蹕後廿年
想殺老中官

過宮女墓

石馬夜嘶風悲怒衰柳泣秋咽寒露娥眉不盡古今愁急雨
空山慘日暮香魂欲語月冥中彷彿昭陽怕人妬燈昏帳冷

掩芳霞幽恨幾時銷蓮步紅淚無用灑重泉荒塞亦有青草墓

碧雲寺

山削秀芙蓉積翠明天際披烟陟極巔以雲爲郵遞碧屯靈境開人意生靜慧嵐氣雜旃檀風定裊裊細香積玉一泓澗疏鳴泉逝照出淨明心秋澄而月霽霞光簇蓮臺寶粧青螺髻金碧錯琉璃石繡花文砌葱蒨天生成人工加點綴法王依帝城自應如北麗稽首嘆莊嚴人間真福地

香山寺

峯勢矯起飛欲去緝歟巧得山靈助碧雲闢麗不闕清此中諸勝偏能據紅霞片片落空巖憶是鑾輿駐蹕處翠色挾雨送來青耳中恍惚聞天語看山眼亦需聖人御墨流鮮鸞鳳翥老僧舊事說不休箇箇遊人看榜署

上狹幸西山謂諸峯獨香山有秀色來青

卽御筆題額

李戚畹園 二首

侯家鋪設盛別墅也雕甍况是水邊竹兼存林下風苔花生

石繡柳浪襯魚紅山澤非無勝終當讓此工
若與人相比濃粧一美姝色聲香並艷紅紫綠平敷樹亂留
煙雨峯奇寫畫圖遊人堤上望錯認是西湖

招徐辰叟何聖符李仁常飲邸中和韻

文字雖清事酒間并可刪時偏宜冷夜人半似秋山防醉茶
居勝矜奇盡自慳欲行君且住留與月同還

仁常時向辰叟
索畫辰叟許以

過春
為作

冬月辰叟有湖上之遊歸來貽予以詩依韻稔之

湖光妙正在秋冬露盡冰文雪半封載月停舟應自絕分烟
掛画定嫌重眉開遠黛工能寫影浸寒梅巧作供手把新詩
清在眼冷然容我夢相從

賦得月下看影

乍對分明是體真笑語微空青臨小像粉本掃癡肥坐起憑
誰使周旋得我依形神相覲定月落莫忘歸

齊越石方孩未過訪

客來雪鵲亂鳴檐坐語移時肯自淹畫學還應推米芾飲宗

只合事陶潛病防極熱微添火人快輕酣半捲簾鉉笈一篇
談未了瑩瑩心眼朗秋蟾

辰叟聖符招同介孺看演牡丹亭傳奇得三字

半吐梅花半尚含主賓相對影成三人從久別疑初識酒漸
停斟爲極酣醒眼難禁思好夢歌喉直可當清談平時空說
心冰冷愛此將無小犯貪

艷事幽情與冶譚如斯稱絕喜兼三心知境幻終成劇怕是
魂銷預戒耽聽至關情還罷酒時當隔歲亦傳棋夢殘誰可
資歡具鬧歲填街鼓正酣

同仁常毘盧菴共話

尋勝探幽不厭頻心閒別自見清真偶攜艷語來僧舍雖戴
烏紗是雋人語至移時常近夜坐當暖處乍疑春香林亦是
看花地梅影當窗漸有神

庚申元夕仁常招飲燈市酒樓同王無近章甫仲田伯
善年兄有賦

御溝春暖漲冰絲風軟沙吹日影移珠綴九微明燦爛張燈

不待月高時

王孫約隊簇金貂玉勒青驄綺陌驕
文具珊瑚看不盡東華門外市三條

朱樓一帶鬱嵯峨陣陣香風襯綺羅
龍燭薰空喧不夜天街到處月明多

寶馬如雲炬列星梨園部部樂曾停
遊人蕩引春心處紅袖雙垂醉倚屏

侯家騎從導初傳滿路花飛拾翠釧
携得冰壺清切意焚香

坐聽唱遊僊

月明處處度笙簫春色分明廿四橋
有酒勸君須盡醉百年能得幾元宵

夜光人影共闌珊裁就新詩月上欄
淺黛嬌紅爭眼媚此團盡作夢中看

火樹明時夜色驕蝶飛照見上吳綃
紗籠引向皇城下女伴相邀共走橋

珍珠簾內艷層層笑韻飛空力不勝
別有鮑銀燈下坐徐呼

童子夜敲冰

賜酺長安舊事存
千官節假亦君恩
紅雲遙望深深處
高架鰲山樂至尊

辰叟臥病西山作此訊之

病亦詩中料
于君未可除遊貪
聽瀑響
任愛伴雲居
採藥增新課
裁方檢異書
劇時兼愈理
一味是清虛

飽飫西山翠
應知病骨蘇
登高誇小健
照水試新癯
習靜觀禪定
消閒寫画图
澄湖蓮正好
亦肯一來無

借華愚公齊越石
呂介孺王見卿
耿明甫劉敬仲蔡鞞

先集米仲詔古雲山房分得六魚

入門詩意在
是選澹瀟疎石老
留雲古窻明
印月虛茶寮
醒醉客
画舫隱清漁
同抱寒禪相
求看繡佛居

色色南宮肖
唯顛小不如
與秋同澹冷
對酒益清虛
韻思圖中寫
微言謔裏摠
猶嫌多事甚
商校古人書

夜起

不獨坐慵睡
亦慵起
同鶴步
破苔封霜華
漸濕睛
為雨天水

互涵影似重就月經行疑積雪聽濤移坐近寒松爐香方炷
心應寂林外猶嫌度遠鐘

茗雲草

夜起

午睡常多夜懶眠虛庭步月影翛然酒酣恰值初醒候香晷
仍聞欲盡煙相伴無人依竹下其堪與語問花前更移小榻
池邊坐一氣空明看水天

古盤吟

園丁鑿窖得磁盤數十餘皆觸碎尚存其一花款極精
色如古玉嗟乎此獨完好孰為守之碎者猶是常物亦
一奇也余異其事因為賦之

古磁透骨青絲細花文鍍扣作哀玉聲幽響漱清露來幾千
百年何人為冶鑄出土精色寒冷光洗秋雨衆缺獨以全誰
得窮其故靈物現世間應有鬼神護寶氣夜識難顯藏關乎
數嗜古癖且癡披草劓荒墓

中秋後同王退如月下泛舟是處無湖因號為是亦湖

得上字

秋意散人懷復當芳月上銀河瀉灩空影入波中漾破暝凌
水烟載酒坐小舫勸酬亦云清何況發高唱互答總蕭森微
籟敲細浪響落林木間颯然生遠況名勝每天開終以人而
暢墩着謝家安樓仍庾氏亮靈蹟定有因斯言當不妄若稱
是亦湖睇景忽超曠分韻和新詩詩成興逾王

秋夜偶成

立小虛亭內遠香靜可聞伴惟邀冷月影欲澹涼雲傷晚憐
秋老貪清坐夜分深情何所寄酌酒取微醺

閑居用退如韻

爲因謝客掩柴關明月曾留共往還祛病尋方餐白石臥遊
就壁見青山詩成快極思忘苦夢裏靈通睡不頑日課香燈
經半卷殊無別事礙清閑

周景文年兄過訪

有引

景文兄字與余名同試政司馬署中相視莫逆也爰除
皆爲李官一在閩一在齊聞罹璫禍齊丁魁蓄其殫力

捍禦以救吾民亦既不有踵頂矣然而獲存于九死一
生之餘者殆非始意所及也嗣先後入爲吏部而景文
之推余實司啟事云辛酉春余省覲居里景文入都枉
訪山莊挑燈共話追昔撫今感慨係之矣
名字同來詎偶然心期細話夜燈前衝濤故我留還在咽雪
旁人不敢憐笑以相看仍哭世醉非因酒爲憂天京塵知否
今如沸玉尺持將並月懸

秋望

霜歷秋光碎林容似不勝近山空翠濕低野遠煙凭聲咽風
中雁影寒水際僧攬雲樓上望日在最高簷

殘荷

雨餘風際費禁持除却亭亭別有姿偶憶佳人初睡起鉛魂
正在欲媽時

同汪未央王太初嘗秋芥

虛窗菊影印疎斜揀得山泉共試茶香外微涵巖洞韻聲中
小驗乳冰花水惟取活頻看火洗不嫌多淨去沙似帶高秋

清冽意誰誇
穀雨剪新芽

郵報

郵報愁拋又取看
時常痛哭總無端
朝班水火君何利
仕路風波隱亦難
病起心猶勞念緯
才庸道只合投竿
買山欲問桃源路
何處煙蘿不渺漫

同未央坐繡研齋

冬足清人意
晴窗亦帶寒
石靈香聚暈
研繡墨留殘
披畫茶相賞
摘梅雪並餐
鑿憑詩格取
商定可能寬

夜坐

微嫌花氣掩
柵下坐焚香
竹引人偏遠
更催月覺忙
茶濤烹古雪
蠶韻答清商
定起蒲團坐
幽通鶴夢長

未央貽余畫竹題云
倪元鎮自謂其畫竹如麻如蘆
猶去竹不遠
茲畫葉乃如樹葉
殊無一毫似也
作此賞之
不欲全求似
蕭森態轉真
緣風微作勢
邀月澹傳神
葉密留雲宿
叢幽借石隣
還于勺墨處
高寄想其人

病起

不爲經秋瘦倍前愁心難理緒紛然雖行澤畔還憂國每步
星前仰問天戒作詩文曾誓墓閒尋靈夢當遊仙病餘拚定
生涯計一笠寒雲衛水邊

壬戌中秋酌月方罷城西忽報寇警當夜移書請兵于
時引燭揮毫與杯酒共爲淋漓一段意氣不覺自雄偶
憶其事詩以紀之

鄒嶧城邊戰骨高血腥染月黯平濠偏當勝日聞傳警不放
清尊看佩刀談笑憑將吞賊壘緘書飛去代龍韜整閑應愧

圍棊墅痛哭籌兵氣自豪

雪霽月夜同劉從之齋中嘗茶

見晴先已快得月更添清雪後寒光徹庭空晚意生分煙桐
畫看取影見梅橫賽茗增新課敲冰起自烹

姚孟長過訪

夙昔共周旋生平欣依託冰雪濯肝腸塵喧不能灼
味投別久傷離索聞君自北來未見意已作片帆駐江干
茲千里約夜雨對深燈清言紛如錯茫茫百感生欲語嗾

格中有不能平時托于諧謔舉國坐漏舟危楫焉所泊憑君
濟代人余將安丘壑

看雪

看雪生閒恨如花但少香窻明臨薄月雲濕動虛光情與聽
泉近景因帶竹涼空庭迷素影一鶴自軒翔

劉耳枝過訪

久別方思已到門霜稜滿面氣清溫春新酌酒催花節月過
張燈補上元非馬譚奇堪洗耳如鶯曲度欲銷魂披來醉墨

神飛動撼壁雲濤夜色翻

花朝雨

拈得花朝字無花亦自憐移情聽夜雨借景看雲烟霽賞期
明日芳遊憶去年一杯春水綠携上泛湖船

夏夜同李仲昌小坐閱邢子愿書

新晴夏夜亦蕭森杯酒尋常覺獨深花爲殿春猶戀草樹當
趁月上棲禽筆鋒入處看偏正詩案翻來辨古今久坐一庭
空似水無言相對領鉉心

春夜流雲閣聽客彈琴

何事三春裏冷然一片秋酒雖留客醉琴故使人幽茶熟香銷鼎燈殘月到樓餘將瀟颯意入夢作仙遊

曉起

殘月晨光認未明薰爐貼被曉烟清因貪好夢常思睡任帶餘酣嬾解醒覺半猶嫌驚帳蝶起來頂擬聽林鶯恐虛客約看花早欹枕呼童問雨晴

春暮看迎春花

春深方欲去花始見迎春避雪遲芳候攀條悵美人分黃邀柳伴愜賞得茶新持此留將送相憐意更真

三月廿七日來道之將歸會稽送之桑園別墅

剪燭爲歡夜雨前易州酒媚越歸船賞花限展還三日淪蒼瓶開第一泉稍歇吹彈因說劍不妨諧謔亦參禪怕聞人與春俱去起拂離歌奏別絃

梅雨

聽雨原清課雖多不厭賒就簷深貯水近火謾供茶醉日堪

移竹閑時省浣花遊情還未礙蠟屐過山家

賞新茶

有引

吳興故產茶家大人宦遊茲地三年未嘗以一葉歸也
余素有茶癖惟日煮清泉點以白石益不欲以所嗜累
大人清德耳癸亥春客自燕攜有新茗取第一泉烹之
因邀友人共啜中有作詩賞之者猶以爲吳興產也隨
用其韻戲成此詩

千錢市茗止爭先才過清明寄自燕箬葉重封來馬上

細沸試鐺前巖親只飲湖州水座客還吟顧渚篇爲語茲非

官橐物山泉亦附估人船

謁嶽有禱

禮罷名香手自焚中懷一點徹蒼雯帝閭欲叩憑靈嶽玉女
爲煩啟秘文鑒在人天應不遠齡唯父子可相分回身越觀
峯頭望烟裏先看峴嶺雲

過泉林得靈字

三首

塵路何緣潑面醒尋泉獨上玉淙亭瀾翻雲片吹寒綠石浸

范文忠公初集
思在堂
苔花盪古青景欲並幽延月看時當絕勝趁秋聽枕流瘦就
林間臥耳畔潺潺夢亦靈

從來第一數中冷洗筆題爲品水亭山有專名兼字慧石
湫澗可云醒響傳瀨底同人語濤沸鑄中作雨聽好摘蒙
花葉煮茶香泉味總通靈

風間夜靜幾曾停百道珍珠瀉玉瓶濺去潭光鋪軟碧招來
山色印空青遙聞互答添松韻細問深源注水經妄意飛來
峯點綴一緘書報與山靈

渡江

瓜洲對峙玉嵯峨指是金山十里過着眼雲容當夏異撩人
風物過江多遊情剩得收烟雨詩料分將與月蘿穩記船經
閩市下方言細聽譜吳歌

舟中

乘風枕上聽潄潄行盡荷塘載月還勝事湖中平占斷推窗
便可看晴山

蕉雨軒嘗水

片片峴山雲朝來看起止此外一事無睡足惟品水中冷以
意尋想像江心底慧稱第二泉遠汲塵易滓何如碧茗溪澗
潺來城裏入日快平遠挹之清且美便潑洞山芽雪花泛水
蓋泉味與茶香相和有妙理細嚼潤枯喉泉脉滋靈腑白石
作點湯並以礪吾齒

宿昭慶寺曉起

入境何曾隔宿來似遠山水喧搖西壁月靜隱禪關鐘曉人
催醒鈴清鳥共閒仍携餘夢去穩棹臥湖間

遊玉泉寺觀魚

湖陰曲曲路還通緝殿門環四面峯寺寂空山靈在磬鳥鳴
遠樹響傳風妙明佛性潭相印禪定僧容鶴與同憑閣下看
吹錦浪遊魚影帶夕霞紅

湖上夜作

游情入靜始相關歌管雖清亦暫刪乘月遍尋湖上寺披煙
細認雨中山荷風散水香初冷嵐氣吹雲晚漸閒幽賞仍須
人共領聽鐘坐待老僧還

靈隱寺

寺涵靈氣隱山椒不待登樓月可招
窺徑穿雲行屢歇談經拂石坐相邀
洞深雨積當時濕泉竇風吹入夜囂
門對飛來峰絕勝何須極目瀾江潮

湖上晚歸

登山泛水兩相宜船後輕輿更使隨
一徑晴嵐深見寺千尋懸瀑下通陂
鳥迷樹影歸林亂雲戀湖陰入岫遲
欲向空潭延月色穿橋夜坐放生池

招巖設席于吳門舟上晚泊虎丘

歌板初傳酒漸催金闈橋下放船開
香風低散飄羅袂艷舞輕翻簇錦堆
漁唱依林吹笛和蓮舟拂水送花來
賞場已白銷魂甚莫近生公說法臺

江上晚行

江行何必月水氣自難暝浪湧潮頭白
雲拖雨脚青帆檣過鳥影漁火動龍靈
坐起清神魄濤聲作瀑聽

過江抵維揚

廣陵濤起漲秋間一棹乘潮夜抵關行李累人因載水郵符
借得好看山江鄉欲別仍回首吳唾重聽少破顏惟有蘭苕
溪上月領將一路伴人還

早發

歸途貪看月帶睡促宵征旅夢風吹斷客心雁過驚路窮常
遇水雲散漸臨城曉氣清如此連朝雨乍晴

將抵家見月

客裏三逢月西湖一載遊暑因清漸減勞得快相酬低照從

山起餘情借雨收歸家看亦好尅日到中秋

和北吳歌

有引

我吳之來舊矣嚮無詠而歌之者有之自退如使君始
余乃得讀而和焉余吳人宜習吳事一行作吏日事遠
遊到家却反似客卽廣咨問亦不過十中二三耳爰搜
近事合之舊聞稍爲櫟括以答來韻並與里唱途謳某
爲作止以俟觀風者采焉所云北者以別于南謠俗聲
情各還本色不欲旁摭失實敢云三吳可四耶辛酉十

月識

層層柳色水平池
三里孤城月照陴
山雨樓空鐘罷響
開門忙殺賣糕兒

龍潭月冷澹無波
自昔瀛州帶九河北
望燕京南接趙土人
猶說古悲歌

鈎盤擊浪注東來
風捲蹄輪碾作埃
搔首築堤人不見
最高傳是祭風臺

野曠煙平寫意圖
垂楊深處隱城隅
月明橋斷吳家渡
古井

風吹響轆轤

石馬寒嘶臥古松
地老剛凋向此中
窮殺城南耕瘠土
年年塚畔哭秋風

秋水蒹葭綠雨敷
冷香亭外碧澄湖
画船泛月人爭看
道是蕭湘好畫圖

元宵踏月月如銀
士子焚香拜聖人
道遇女郎走百病
南關

燈火一時新

女子踏月名曰走百病
士子俱詣文廟燒香

春來多半是風沙
雨後新晴一抹霞
梨白桃紅楊柳綠
蘋婆

花似海棠花

芳郊走馬踏青行隨意空城春草生綠柳陰中鞦韆影遊人

知道是清明

蔣陵故城漢宣帝封史曾即此

雨當三月貴如金夜望雲生早看陰風刮土龍鱗爪動楊枝

灑水叫其霖

春鋤帶雨潤如酥風送農歌動地呼怕說城中飛檄至修堤

河上點丁夫

連窩驛枕衛河隈乘傳何堪前站催白米江魚隨處有麥黃

水漲送船來

風仙浸指甲尖緋架上石榴簇作團茉莉南船新寄到百錢

買得一盆歸

春饑指望到秋償未老新蠶已典桑風刈雨鋤渾舊事如今

歲歲打飛蝗

菜香瓜熟棗離離正是田家快活時官苦徵逋私苦債隔隣

含泣賣妻兒

屋破村荒照月明寒燈絡絡夜三更機杼聲殘眠未穩喚起

男兒事早耕

家家釀酒泛黃花初熟携將問狹邪一曲新聲聽不了留眠
過夜醉琵琶

薊北雪飛十月天孤村雲凍破炊煙風酸路滑行人絕猶見
老僧驢背眠

桃符門掛映春聯爆竹聲中又一年隊隊輕衫香籠袖鬪鷄
日費幾千錢

白衣賽會競燒香簇擁如花看道場小扇頰遮移步緩旁邊

立任少年郎

聞催新餉倍生愁歲歲加編未得休一邑硝黃三十萬出關
重復派車牛

黍稷才收便摘花一年最苦是農家霜來九月秋原盡又見
風吹麥隴斜

十家九盡墊官錢敲朴聲高欲徹天昨日相逢開口笑徭差
新改一條鞭

濶袖高冠士氣馴從來文事亦彬彬近科只說丙午盛十五

人中舉六人

鄉里兒郎也解歌時興曲子土音哦昆難聽是聲哀急不爲
關情喚奈何

青絲斜紐挽雙鬟草纔同姊妹還聞說郎來親插戴背人
偷覷倚窻間

北吳原不是東吳古意如今問有無擊筑餘風勞想像一時
俗尚喜言蘇

紅亭帶柳板橋橫古道西郊送客行謾道征輪憐下國彤雲

咫尺望神京

齊謳變調穉初成一字吟來一字情便帶虎丘山下去船迴
月上試新聲

贈徐石丈

文壇奮跡願多違焚却儒冠換鐵衣其自文人羞縫其其如
武士昧攻圍惟中夜識風雲變闌外塵清羽檄飛思塵拊髀
圖一報游常勒績事猶微

後學 祝吉士

姜 瓚全校

甥孫王作肅

范文忠公初集卷之十 終

